

祠規

夫祠者祖靈憑依之地所以合一族之人相聚而奉祭祀者也然一族之人支分派衍遞出遞蕃要有所統屬以一其權則必具規植矩推舉族長房長主持其事而族人胥於是听命焉茲將所議祠規逐一列左

我祠歷分三大房每房各擇房長一人由三大房公推族長一人共理祠事凡祠丙祭器公譜文契字據概歸族長收檢而房長經理祠事以三年為限限滿憑族眾更報如有因循左袒瘠公肥私者許族眾攻詰隨時更報之並如數責賠毋得徇隱

值年房長每於祭期前三日入祠調處一切事宜派定執事之人開單傳知約於祭之先一日齊集祠內報名量材授職習儀辦事祭祀禮有四時令人約為春秋二祭夏祭久无闻矣惟冬至一祭舉

世不废吾族旧例三年一祫祭族众与焉除祫祭外岁必小祭惟不用牲牢祇房长族长数人脩酒肴一筵祀祖至於清明上塚中元荐帛听各房自理

祭器宜用古器通礼载家祭用古器七曰俎曰俎曰鉶曰敦曰簋曰豆曰尊曰爵此非为美观法物森列而使人生其震动属恭之心也朱子家礼言本合用古器恐私家不能遽办且用今器吾宗腥熟之荐旧代以陶亦合家礼之变但须致其整洁方可交於神明

主祭古必以宗子为宗法言也今宗法既废合族之人共为宗祠以祀其先人不得拘古宗子说也谨采许氏贵贵之说而以族之贵显者主之其陪祭左右昭穆者亦然

致祭必敬凡与祭者须各脩衣冠以昭肃敬贫者即青帽长衫亦可但不许科头赤足以褻祖先

祠堂每逢祫祭凡各房来人主者须先夕奉主安置厅堂处脩酒馔

以礼告之再按昭穆次序推迁旧主升上新主入龕合享如有私自袖入查明议罚凡妇先没不便即入主必俟其夫没同入此妇从夫之道也其侧室有子者准入主安置嫡室下无子则不入

祭毕而馐所以享神惠序齿望而联宗族之情也理宜随分用情少以敬长长以慈幼雍睦一堂以昭神贶如此则祖先当亦顾而乐之以为有后勿弃诗曰惠于宗宫神罔时怨神罔时恫此之谓也慎毋放肆无礼酗怒諠哗

谱议三年一醮每逢三年祫祭之其各房所领之谱均须携来会验毋得违越

祠宇祭田公山房长须择佃主看守不得徇私袒护如看守之人香灯不专扫除不洁耕种不力蓄禁不严即宜更换毋致废弛

宗祠岁入有限除时祭岁修外务宜节制浮费使稍有赢餘则权其
子母妥善保存以備荒欠亏累之虞而资时祭岁修之用